



Nuuk 11-10-2022

UKA 2022-127

Umiartorneq pillugu inatsimmik allannguinerit pillugit aamma pappilianik nalilinnik atortussaajunnaarsitsinermut inatsisip Kalaallit Nunaannut atuutilersinnerinut peqqussummut allannguutitut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Ineqarnermut Attaveqaasersuutinullu Naalakkersuisoq)

Qulequtaq qulaani pineqartoq pillugu Siumumiit imaattumik oqaaseqassaagut:

Umiartorneq pillugu inatsimmik allannguinnissaq pillugu atortorissaarutitigut ineriartorneq eqqarsaatigalugu pisariillisaanermik tunngaveqarnera paasilluarparput.

Tamanna atuisunut atuutsinneqalerpat iluaqutissartaqartoq takusinnaavarput, ilaatigut aamma pappilianik nalilinnik atortussaajunnaarsitsinermut tunngatillugu atuisoq periarfissinneqarsinnaasoq pappiliangortitsinissaminut inatsisissami atuarneqarsinnaasoq iluarisimaarparput, tassami Digitaaliusumik nalunaarsuisinnaaneq eqqunneqarmat atuisunit tamakkiisumik ergerluni atorineqarsinnaanissaa ilimanarpallaanngimmat. Taamatut oqarninni tunngavigaara atortorissaarutitigut atuisut assigiinngitsunik piginnaasaat puiusoq takuneqarsinnaasarmat, kissaatiginarporlu atuisinnaalernissaat anguniarlugu qaammarsaanissat, pikkorissaanissallu sulissutigineqarnissaat pisariaqartutut isigigatsigu.

Tassa atortorissaarutitigut pisariillisaaneq pineqarpoq tamannalu piffissamik sipaarfiuinnarani oqilisaataajumaartoq takusinnaavarput, tassami atorluarneqalerpat pappilissanik nassiussuisarneq pisariaaruttussaavoq, tamanna ineriartornermut naleqqussaavittut isigineqarsinnaavoq tassami sutigut tamatigut ineriartorneq sukkasuumik ingerlasoq naleqqussartuarnissamik tunngavissiivoq, unalu suliaq aamma tamatumunnga ilaalluinnarmat taperserlugu ataatsimiititaliamut susassaqartumut ingerlateqqipparput tassani sukumiisumik suliarineqarnissaa kissaatigalutigu.

Jens Kristian Therkelsen, Siumut